

6 мая 2026. Среда. Преполовление Пятидесятницы. Влмч. Георгий Победоносец.

6 мая 2026. Среда. Преполовление Пятидесятницы. Влмч. Георгий Победоносец.

Великая Вечерня (приходская)

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Аминь.

Христос воскрес из мертвых, смертью смерть поправ, и сущим во гробех живот даровав. **(Трижды)**

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываая водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся дрова польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни ры-

6 мая 2026. Среда. Преполовление Пятидесятницы. Влмч. Георгий Победоносец.

кающи, восхитити и взыскати от Бóга пѣщу себѣ. Возсия солнце и собращася и в лóжах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егоже создал еси ругатися ему. Вся к Тебе чают, дати пѣщу им во благо время. Давшу Тебе им соберут, отверзшу Тебе руку всяческая исполнятся благодати, отвращшу же Тебе лице, возмутутся, отымеши дух их, и исчезнут, и в персть свою возвратятся. Послеши Духа Твоего, и созиждутся, и обновивши лице земли. Буди слава Господня во веки, возвеселится Господь о делах Своих, призирая на землю, и творяя ю трястися, прикасаяся горам, и дымятся. Воспою Господеви в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь. Аллилуиа, аллилуиа, аллилуиа, слава Тебе Боже *(трижды)*.

Ектения великая

Диакон: Мíром Господу помóлимся.

Лик: Господи, помилуй. *(на каждое прошение)*

Диакон: О свѣшнем мѣре и спасѣнии душ наших, Господу помóлимся.

Диакон: О мѣре всего мѣра, благостоянии святых Бóжих церквей и соединѣнии всех, Господу помóлимся.

Диакон: О святѣм храмѣ сем и с вѣрою, благоговѣнием и страхом Бóжиим входящих в онь, Господу помóлимся.

Диакон: О Великом Господѣ и отцѣ нашем, Святѣйшем Патриархе Кириллѣ, честнѣм пресвѣтерствѣ, во Христѣ диаконствѣ и о всем причтѣ и людѣх, Господу помóлимся.

Диакон: О Богохранѣмѣй странѣ нашей, властѣх и воинствѣ ея, Господу помóлимся.

Диакон: О градѣ сем, всяком градѣ, странѣ и вѣрою живущих в них, Господу помóлимся.

6 мая 2026. Среда. Преполовление Пятидесятницы. Влмч. Георгий Победоносец.

Диакон: О благоращворении воздухов, о избобилии плодбв земных и времемх мирных, Господу помблимся.

Диакон: О плавающих, путешбствующих, недбгующих, страждущих, пленбнных и о спасбнии их, Господу помблимся.

Диакон: О избавитися нам от всякия скбрби, гнбва и нбжды, Господу помблимся.

Диакон: Заступи, спаси, помилуй и сохрани нас, Ббже, Твоебю благодатию.

Диакон: Пресвятбю, Пречистбю, Преблагословбнную, Славную Владбчицу нашу Богородицу и Приснодбву Марибю со всеми святбми помянбвше, сами себб и друг друга, и весь живбт наш Христб Ббгу предадим.

Лик: Тебб, Господи.

И священник возглашает: Яко подоббает Тебб всякая слава, честь и поклонбние, Отцб, и Сбну, и Святбму Дбху, нбне и присно, и во вбки векбв.

Лик: Амбнь.

1 антифон 1 кафизмы («Блажен муж»)

Блажен муж, иже не иде на совет нечестбвых. Аллилуия (трижды).

Яко весть Господь путь праведных, и путь нечестбвых погибнет. Аллилуия (трижды).

Работайте Господеви со страхом и радуйтесь Ему с трепетом. Аллилуия (трижды).

Блажени вси надебщиися Нань. Аллилуия (трижды).

Воскресни, Господи, спаси мя, Боже мой. Аллилуия (трижды).

Господне есть спасение и на людех Твоих благословение Твое. Аллилуия (трижды).

Слава Отцу и Сбну и Святбму Дбху, и ныне и присно и во веки веков. Амбнь. Аллилуия (трижды).

6 мая 2026. Среда. Преполовление Пятидесятницы. Влмч. Георгий Победоносец.

Аллилуиа, аллилуиа, аллилуиа. Слава Тебе, Боже. (Трижды).

Ектения малая

Диакон: Па́ки и па́ки, міром Го́споду помóлимся.

Лик: Го́споди, помíлуй.

Заступи́, спаси́, помíлуй и сохрани́ нас, Бо́же, Твое́ю благодáтию.

Лик: Го́споди, помíлуй.

Пресвяту́ю, Пречи́стую, Преплагословенну́ю, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Я́ко Твоя́ держа́ва, и Твое́ есть ца́рство, и си́ла, и сла́ва, Отца́ и Сы́на и Свята́го Ду́ха, ны́не, и прісно, и во ве́ки веко́в.

Лик: *Ами́нь.*

Стихиры на «Господи, воззвах»

Канонарх: Глас 4, Го́споди, воззва́х к Тебе́, услы́ши мя.

Лик: Го́споди, воззва́х к Тебе́, услы́ши мя./ Услы́ши мя, Го́споди./ Го́споди, воззва́х к Тебе́, услы́ши мя:/ вонми́ гла́су моле́ния моего́,/ внегда́ воззва́ти ми к Тебе́.// Услы́ши мя, Го́споди.

Да испра́вится моли́тва моя́,/ я́ко кади́ло пред Тобо́ю,/ воздея́ние руку́ мое́ю/ же́ртва вече́рняя. // Услы́ши мя, Го́споди.

преполовления Пятидесятницы на 3, глас 4

На 6, стих: А́ще беззако́ния на́зриши, Го́споди, Го́споди, кто постои́т? / Я́ко у Тебе́ очище́ние есть.

6 мая 2026. Среда. Преполовление Пятидесятницы. Вмч. Георгий Победоносец.

Наста преполовление дней,/ от спасительнаго начинаемых востания,/ Пятдесятницею же Божественною печатлеемое:/ и светится светлости обоюду имущее,/ и соединяющее обоя,// и приити славе предъявляющее Владычняго Вознесения предпочитает.

Стих: Имене ради Твоего потерпех Тя, Господи, потерпе душа моя в слово Твое, /

упова душа моя на Господа.

Слыша и возвеселися Сион,/ благовестившуся Христову Воскресению:/ вернии же его сынове возрадовашася Сего видевше,/ и омывающа Духом скверну христуубийства:// готовится торжествующи, обоих веселое преполовление.

На 4, стих: От стражи утренния до ноци, от стражи утренния, / да уповает Израиль на Господа.

Приблизися Божественнаго изъобильное излитие на всех,/ якоже написася Духа:/ предъзаконение проповедует, преполовившееся,/ по Христове смерти и погребении и Воскресении,/ от Него данну сущу учеником неложному обещанию,// Утешителево показующу явление.

св. вмч. Георгия Победоносца на 3, глас 4

Стих: Яко у Господа милость, и многое у Него избавление, / и Той избавит Израиля от всех беззаконий его.

Яко добля в мученицех, страстотерпче Георгие,/ сошедшеся днесь, восхвалим тя,/ яко течение совершив,/ веру соблюл еси и прият от Бога победы твоя венец./ Егоже

6 мая 2026. Среда. Преполовление Пятидесятницы. Влмч. Георгий Победоносец.

моли от тли и бед избавитися// верою совершающим всечестную память твою.

На 2, стих: Хвалите Господа вси языцы, / похвалите Его вси людие.

Твердым мудрованием уповав, самохотне дерзнул еси, / якоже лев, славне, к страданию, презирая убо тело, / яко растлетися хотящее, / о нетленней же души мудре прилежал еси / и мук многообразными виды разжеглся еси, // яко злато очищено седмерицею, Георгие.

Стих: Яко утвердися милость Его на нас, / и истина Господня пребывает во век.

За Спаса пострадал еси и, / смертью смерти вольне, славне, подобяся, / царствуеши с Ним светло, / порфирию от крове одеян светлою, / и скиптром страданий твоих украшен, / и венцем победы лепотствуя в непроходимыя веки, // великомучениче Георгие.

Слава, глас 6:

Слава Отцу, и Сыну, и Святому Духу.

Достойно имени пожил еси, воине Георгие: / Крест бо Христов на рамо взял, / от диавольския лести оляденевшую землю добре делал еси и, / терновное служение искоренив идольское, / православныя веры лозу насадил еси. / Темже точиши исцеления во всей вселенней верным / и Троицы делатель праведен показался еси. // Моли, молимся, о умирении мира и спасении душ наших.

6 мая 2026. Среда. Преполовление Пятидесятницы. Влмч. Георгий Победоносец.

И ныне, глас 6:

и ныне, и присно, и во веки веков. Аминь.

Празднику преполовляющуся Твоего Христе Воскресения,/ и Божественного пришествия Святаго Твоего Духа,/ сшедшеся чудес Твоих воспеваем таинства:// воньже низпосли нам велию милость.

Вечерняя песнь Сыну Божию

Свете Тихий святія славы,/ Безсмертнаго, Отца Небеснаго,/ Святаго Блаженнаго, Иисусе Христе./ Пришедше на запад солнца,/ видевше свет вечерний,/ поем Отца, Сына и Святаго Духа, Бога./ Достоин еси во вся времена/ пет быти гласы преподобными,/ Сыне Божий, живот дай,/ темже мир Тя славит.

Диакон: Вонмем.

Священник: Мир всем.

Лик: И духови твоёму.

Прокимен

Во вторник вечера, глас 1:

Диакон: Премудрость. Вонмем. Прокимен, глас 1.

Милость Твоя, Господи,/ поженет мя вся дни живота моего.

Лик: Милость Твоя, Господи,/ поженет мя вся дни живота моего.

Диакон: Господь пасет мя, и ничтоже мя лишит, на месте злачне, тамо всели мя.

Лик: Милость Твоя, Господи,/ поженет мя вся дни живота моего.

6 мая 2026. Среда. Преполование Пятидесятницы. Влмч. Георгий Победоносец.

Диакон: Милость Твоя, Господи

Лик: поженёт мя вся дни животá моего.

Во вторник вечера. Глас 1

Ми-лость Твоя, Господи, поженет мя вся дни жи-во-та, жи-во-та мо-е-го.

Чтение паремий

Диакон: Премудрость.

Чтец: Пророчества Михеина чтение.

Диакон: Воннем.

Тако глаголет Господь: от Сиона изыдет закон, и слово Господне из Иерусалима, и судит посреди людей многих, и обличит языки крепкия даже на долзе, яко вси людие пойдут кийждо своим путем, мы же пойдём именем Господа Бога нашего в век. Тако глаголет Господь Вседержитель: услышите холми суд Господень, и дебри основания земли, яко суд Господеву к людем Его, и со Израилем сопрится, глаголя: людие Мои, что сотворих вам; или чим опечалих вас? Отвещайте Ми: зане возведох вы от земли Египетския, и из дому работы избавих вас, и послах пред лицом вашим Моисеа и Аарона и Мариам. Людие Мои помяните убо, что совеща на вас сопротивнии; кто возвести тебе? Возвестих бо тебе, человеце, что добро, или что Господь ищет от тебе, разве творити суд, и любити милость, и готову быти, еже ходити с Господем Богом твоим; зане в крепости возвеличится Господь, и упасет стадо Свое в мире, даже до конец земли.

Диакон: Премудрость.

Чтец: Пророчества Исаина чтение.

Диакон: Воннем.

Тако глаголет Господь: жаждущии идите на воду, и елицы не имате сребра, шедше купите, и ядите, пейте без сребра и цены, вино и тук. Яко тако глаголет Господь Вседержитель вам: людие Мои, почерпите воду с веселием от источник спасения. И речеши в день оный: воспойте Господеву, призовите имя Его, возвестите во языцех славная Его: помяните, яко вознесся имя Его. Людие Мои, услышите Мене, и снесите благая, и насладится во благих душа ваша. Внушите ушима вашима, и последуй-

6 мая 2026. Среда. Преполование Пятидесятницы. Влмч. Георгий Победоносец.

те путем Моим. Услышите Мене, и жива будет во благих душа ваша, и завещаю вам завет вечный, и призовите. Внегда же аще приблизитесь Мне, да оставит нечестивый пути своя, и муж беззаконный советы своя, и обратитесь ко Мне, и помилую вас, и оставлю грехи ваша. Не суть бо совети Мои, якоже совети ваши, ни якоже путие ваши, путие Мои, глаголет Господь. Но якоже отстоит небо от земли, тако отстоит путь Мой от путей ваших, и умышления ваша от умышления Моего. Якоже бо аще снидет дождь, или снег с небесе, и не вратится оттуду, дондеже упоит землю, и израстит, и прозябнет, и даст семя сеющему, и хлеб в снедь: Сице будет глагол Мой, иже аще изыдет из уст Моих, не возвратится ко Мне тощ, дондеже скончает вся, елика восхотех, и исправлю пути твоя, и заповеди Моя. С веселием бо изыдете, и с радостию научитесь: горы бо и холми скочат, чающе вас в радости, и вся древа сельная восплещут ветвьми. И вместо драчия взыдет кипарис, вместо же кропивы взыдет мирсина: и будет Господь во имя, и в знамение вечное, и не оскудеет, глаголет Господь Бог Святыи Израилев.

Диакон: Премудрость.

Чтец: Притчей чтение.

Диакон: Воннем.

Премудрость созда Себе дом и утверди столпов седмь. Закла Своя жертвенная, и раствори в чаши Своей вино, и уготова Свою трапезу. Посла Своя рабы, созывающи с высоким проповеданием на чашу, глаголющи: иже есть безумен, да уклонится ко Мне. И требующим ума рече: приидите, ядите Мой хлеб, и пейте вино, еже растворих вам. Оставьте безумие, и живи будете, и взыщите разума, да поживете и исправите разум в ведении. Наказуяй злыя, примет себе безчестие; обличаяй же нечестиваго, опорочит себе, обличение бо нечестивому раны ему. Не обличай злых, да не возненавидят тебе. Обличай премудра, и возлюбит тя. Дажь премудрому вину, и премудршии будет. Сказуй праведному, и приложит приимати. Начало премудрости страх Господень и совет святых разум. Разумети бо закон помысла есть благаго. Сим бо образом многое поживеши время, и приложатся тебе лета живота.

Паремии мученику

Диакон: Премудрость.

Чтец: Пророчества Исаиина чтение.

Диакон: Воннем.

6 мая 2026. Среда. Преполование Пятидесятницы. Влмч. Георгий Победоносец.

Тако глаголет Господь: вси языцы собращася вкупе, и соберутся князи от них. Кто возвестит сия в них? Или яже от начала, кто слышана сотворит вам? Да приведут свидетели своя, и оправдятся, и да услышат, и да рекут истину. Будите Ми свидетели, и Аз Свидетель, глаголет Господь Бог, и Отрок Егоже избрах. Да познаете, и веруете Ми, и разумеете, яко Аз есмь, прежде Мене не бысть ин бог и по Мне не будет. Аз есмь Бог, и несть разве Мене спасаяй. Аз возвестих и спасох; уничижих, и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляяй. Сотворю, и кто отвратит то? Сице глаголет Господь Бог, избавляяй вас, Святыи Израилев.

Диакон: Премудрость.

Чтец: Премудрости Соломоновы чтение.

Диакон: Вонмем.

Праведных души в руце Божией, и не прикоснется их мука. Непщевани быша во очесех безумных умрети, и вменися озлобление исход их, и еже от нас шествие сокрушение, они же суть в мире. Ибо пред лицом человеческим аще и муку примут, упование их безсмертия исполнено. И в мале наказани бывше, великими благодетельствовани будут, яко Бог искуси я и обрете их достойны Себе. Яко злато в горниле, искуси их и, яко всеплодие жертвенное, прият я. И во время посещения их возсияют и, яко искры по стеблию, потекут. Судят языком, и обладают людьми, и воцарится Господь в них во веки. Надеющиися Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

Диакон: Премудрость.

Чтец: Премудрости Соломоновы чтение.

Диакон: Вонмем.

Праведник, аще постигнет скончаться, в покои будет: старость бо честна не многолетна, ниже в числе лет исчисляется. Седина же есть мудрость человеком, и возраст старости житие нескверно. Благоугоден Богу быв, возлюблен бысть, и живой посреде грешник преставлен бысть, восхищен бысть, да не злоба изменит разума его или лесь прельстит душу его. Рачение бо злобы помрачает добрая и парение похоти пременяет ум незлобив. Скончався в мале, исполни лета долга, угодна бо бе Господеву душа его, сего ради потщася от среды лукавствия. Людие же видевше и не разумеюще, ниже положивше в помышлении таковое, яко

6 мая 2026. Среда. Преполовление Пятидесятницы. Влмч. Георгий Победоносец.

благодать и милость в преподобных Его и посещение во избранных Его.

Сугубая ектения

Диакон: Рцем вси от всея души, и от всего помышления нашего рцем.

Лик: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Лик: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй *(трижды, на каждое прошение)*

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Молитва при наступлении вечера

Лик: Сподоби, Господи, в вечер сей без греха сохранитися нам./ Благословен еси, Господи Боже отец наших,/ и хвально и прославлено имя Твое во веки, аминь./

Буди, Господи, милость Твоя на нас, якоже уповахом на Тя./ Благословен еси, Господи, научи мя оправданием Твоим./ Благословен еси, Владыко, вразуми мя оправданием Твоим./ Благословен еси, Святыи, просвети мя оправдании Твоими./

Господи, милость Твоя во век, дел руку Твоею не презри./ Тебе подобает хвала. Тебе подобает пение,/ Тебе слава подобает, Отцу и Сыну и Святому Духу, // ныне и присно и во веки веков. Аминь.

6 мая 2026. Среда. Преполовление Пятидесятницы. Влмч. Георгий Победоносец.

Ектенія просительная

Диакон: Исполним вечернюю молитву нашу Господеви.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Лик: Господи, помилуй.

Диакон: Вечера всего совершенна, свята, мирна и безгрешна у Господа просим.

Лик: Подай, Господи. *(на каждое прошение)*

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

Священник: Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

Лик: Аминь.

Стихиры на стиховне

преполовления Пятидесятницы на 3

Канонарх: Глас 1, Пятдесятницы наста дней преполовление.

Пятдесятницы наста дней преполовление,/ в немже Христос обнажив маловидно Божественную силу,/ разслабленнаго стягну словом, того от одра возставив,/ и бого-

6 мая 2026. Среда. Преполовление Пятидесятницы. Влмч. Георгий Победоносец.

лепно чудотворя во зданном теле, // человеком дарова вечный живот, и велию милость.

Стих: Помяни сонм Твой. /

Лик: егоже стяжал еси исперва.

Во святилище пришел еси Премудросте Божия, / преполовляющуюся празднику, / уча и обличая непокоривыя иудеи, фарисеи и книжники, / и вопия со дерзновением к ним: / жаждай да грядет ко Мне, и пиет воду животную, / и не вжаждет во век: / веруяй Моей благодати, / реки потекут из чрева его жизни вечныя. / О благодати и благоутробия Твоего, // Христе Боже наш, слава Тебе!

Стих: Бог же, Царь наш, прежде века. /

Лик: содела спасение посреде земли.

Егда преполовление праздника наста, / взыде Иисус во святилище, / и учаще непокоривыя иудеи, глаголя: / жаждай да грядет ко Мне, и пиет воду животную вечную, / и не вжаждется в век. / Веруяй в Мя, реки потекут из чрева его, // и имети будет свет животный.

Слава, глас 4:

Слава Отцú, и Сыну, и Святому Дúху.

Разумнаго адаманта терпение, братие, / духовно восхвалим, Георгия, / славнаго мученика, егоже, за Христа разжигаем, / коваху беды, и изостриша муки, / и различная мучения изнуриша тело, естеством тленно, / побеждаше бо же-

6 мая 2026. Среда. Преполовление Пятидесятницы. Влмч. Георгий Победоносец.

вание естество,/ смертию понуждая рачителя прейти к желаемому Христу Богу// и Спасу душ наших.

И ныне, глас 8:

и ныне, и присно, и во веки веков. Аминь.

Преполовившуся празднику,/ учащу Ти Спасе, глаголаху иудее:/ како Сей весть писмена не учився?// Не разумеюще, яко Ты еси Премудрость устроившая мир, слава Тебе.

Молитва святого Симеона Богоприимца

Лик: Ныне отпускаеши раба Твоего, Владыко,/ по глаголу Твоему с миром:/ яко видеста очи мои спасение Твое,/ еже еси уготовал пред лицем всех людей,/ свет во откровение языков,// и славу людям Твоим Израиля.

Чтец: Святыи Боже, Святыи Крепкий, Святыи Безсмертный, помилуй нас *(трижды)*.

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй *(трижды)*.

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Лик: Аминь.

6 мая 2026. Среда. Преполовление Пятидесятницы. Вмч. Георгий Победоносец.

Тропари

Тропарь св. вмч. Георгия Победоносца

Глас 4: Яко пленных свободитель,/ и нищих защититель,/ немощствующих врач,/ православных поборниче,/ победоносче, великомучениче Георгие,/ моли Христа Бога// спастися душам нашим. **(Дважды)**

Слава Отцу, и Сыну, и Святому Духу, и ныне, и присно, и во веки веков. Аминь.

Тропарь Преполовления Пятидесятницы

Глас 8: Преполовившуся празднику,/ жаждущую душу мою благочестия напой водами,/ яко всем, Спасе, возопил еси:/ жаждай да грядет ко Мне и да пиет.// Источниче жизни нашея, Христе Боже слава Тебе.

Диакон: Премудрость.

Лик: Благословѣ.

Священник: Сый благословѣн Христос Бог наш, всегда, ныне и присно и во веки веков.

Лик: Аминь. Утверди, Боже,/ святую православную веру, православных христиан/ во век века.

Священник: Пресвятая Богородице, спаси нас.

Лик: Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Священник: Слава Тебе, Христе Боже, упование наше, слава Тебе.

6 мая 2026. Среда. Преполование Пятидесятницы. Влмч. Георгий Победоносец.

Лик: Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь. Го́споди, поми́луй (*трижды*). Благо-сло́ви. (илиВлыдыко, благослови)

Священник глаголет Отпуст

Воскресый из мертвых Христос Истинный Бог наш, молитвами Пречистыя Своея Матере, св. влч. Георгия Победоносца, и всех святых, помилует и спасет нас, яко Благ и Человеколюбец.

Многолетие

Лик: Вели́каго господѣна и отца́ на́шего Кири́лла, Святѣйшаго Патри́арха Моско́вскаго и всея́ Руси́,/ и господѣна на́шего высокопреосвяще́ннейшаго [*или́ преосвяще́ннейшаго*] и́мярек, митрополи́та [*или́ архиепи́скопа, или́ епи́скопа*] егó же е́сть о́бласть,/ богохра́нимую страну́ на́шу Росси́йскую, вла́сти и во́инство ея́,/ настоя́теля, бра́тию, прихо́жан свята́го хра́ма сегó, и вся правосла́вныя христи́аны, // Го́споди, сохрани́ их на мно́гая ле́та.